



Bosnia and Herzegovina
Federation of Bosnia and Herzegovina

CANTON SARAJEVO
Anti-Corruption Office

Broj: 20-04-1239-20/24 A.A.
Sarajevo, 26.07.2024. godine

Bosna i Hercegovina - Federacija Bosne i Hercegovine
Kanton Sarajevo - GRAD SARAJEVO
GRADSKO VIJEĆE

PRISILJENO: 02 JUL 2024	
Grj. jed. broj	Prilog
01-GV-04-	1004/24

GRAD SARAJEVO
n/r Predsjedavajućeg gradskog vijeća
Hamdije Kreševljakovića br. 3
71000 Sarajevo, BiH

PREDMET: Mišljenje, dostavlja se
Veza Vaš akt broj: 01-GV-04-951/24 od 18.07.2024. godine

Ured za borbu protiv korupcije Kantona Sarajevo (u daljem tekstu: Ured) zaprimio je 19.07.2024. godine Vaš akt, broj i datum navedeni u vezi predmeta, u kojem tražite mišljenje vezano za eventualno postojanje sukoba interesa zbog imenovanja gradskih vijećnika, u konkretnom slučaju Ademović Jasmina, Džehverović Mirele, Simonović Srđana i Škaljić Seida u Komisiju za razmatranje, obradu i analizu pristiglih prijava na javni poziv za nagrađivanje učenika srednjih škola koji su postigli zapažene rezultate na zvaničnim takmičenjima iz određenih nastavnih predmeta u prethodnoj 2023./2024. školskoj godini iz budžeta Grada Sarajeva za 2024. godinu, koju rješenjem imenuje gradonačelnica.

Na osnovu člana 25. Zakona o prevenciji i suzbijanju korupcije u Kantonu Sarajevo („Službene novine Kantona Sarajevo“, br. 35/22, 44/22-Ispravka i 52/22-Ispravka), koji propisuje da je Ured nadležan za davanje mišljenja na upite predstavlja li neko stanje, postupak ili radnja nosioca javne funkcije sukob interesa, u nastavku teksta Ured daje mišljenje, i to kako slijedi.

Zakon o prevenciji i suzbijanju korupcije u Kantonu Sarajevo (u daljem tekstu: Zakon) u članu 2. stav (1) tačka c) propisuje da se „**nosiocima javnih funkcija**“ smatraju:

- 1) poslanici/zastupnici u Skupštini Kantona Sarajevo, **vijećnici u Gradskom vijeću Grada Sarajevo** i vijećnici u općinskim vijećima općina na teritoriji Kantona Sarajevo,
- 4) **druga lica koja su izabrana ili imenovana ili je za njihov izbor ili imenovanje data saglasnost od strane Skupštine, Gradskog vijeća Grada Sarajevo, općinskog vijeća, Vlade, Gradonačelnika ili načelnika, izuzev državnih službenika i namještenika.**

Shodno citiranim odredbama Zakona, **gradski vijećnik u Gradskom vijeću Grada Sarajeva smatra se nosiocem javne funkcije.**

Dalje, **lice koje je izabrano ili imenovano ili je za njihov izbor ili imenovanje data saglasnost od strane gradonačelnice smatra se nosiocem javne funkcije.**

Zakon u članu 5. stav (1) propisano je da **nosilac javne funkcije može obavljati samo jednu javnu funkciju iz člana 2. tačka c), osim ako posebnim propisom nije drugačije određeno.**

Imajući u vidu činjenicu da se u predmetnom slučaju radi o dvije javne funkcije, Ured je mišljenja da bi postojao sukob interesa ukoliko bi imenovani vijećnici bili imenovani od strane gradonačelnice u predmetnu komisiju.

Napominjemo da se posebnim propisom navedenim u članu 5. stav (1) Zakona ne može smatrati, u konkretnom slučaju, Odluka Gradskog vijeća Grada Sarajevo.

S poštovanjem,



Dostaviti:

1. Naslovu,
2. a/a.

Kantona Sarajevo", br. 46/23 i 3/24) u članu 10. iza stava (2) dodaje se novi stav (3) koji glasi:

"(3) Sastavni dio Spiska iz stava (1) ovog člana su Izmjene Spiska akademskih titula, stručnih i naučnih/umjetničkih zvanja koja se mogu sticati na visokoškolskim ustanovama na području Kantona Sarajevo, koje su sastavni dio ovog pravilnika."

Član 2.

(Stupanje na snagu)

Ovaj pravilnik stupa na snagu narednog dana od dana objavljivanja u "Službenim novinama Kantona Sarajevo".

Broj 27/03-34-25981-5/24

24. juna 2024. godine

Sarajevo

Ministrica

Prof. dr. Adna Mesihović, s. r.

IZMJENE SPISKA AKADEMSKIH TITULA, STRUČNIH I NAUČNIH/UMJETNIČKIH ZVANJA KOJA SE MOGU STICATI NA VISOKOŠKOLSKIM USTANOVAMA NA PODRUČJU KANTONA SARAJEVO

U Spisku akademskih titula, stručnih i naučnih zvanja koja se mogu sticati na visokoškolskim ustanovama na području Kantona Sarajevo, u tački 1 - Univerzitet u Sarajevu - University of Sarajevo, u Grupaciji društvenih nauka, u tabeli "Univerzitet u Sarajevu - Fakultet za kriminalistiku, kriminologiju i sigurnosne studije", sadržaj dijelova tabele za studijski program "Kriminologija" i studijski program "Sigurnosne studije" mijenja se i glasi:

UNIVERZITET U SARAJEVU Fakultet za kriminalistiku, kriminologiju i sigurnosne studije Grupacija društvenih nauka	Model studiranja 4+1+3	STRUČNO/NAUČNO ZVANJE					
		Prvi ciklus studija	Trajanje	Drugi ciklus studija	Trajanje	Treći ciklus studija	Trajanje
Naziv odsjeka							
Naziv studijskog programa/uz naznaku usmjerenja	Kriminologija	Bakalaureat/bachelor kriminologije	4	Magistar kriminologije	1	Doktor kriminoloških nauka/znanosti	3
	Sigurnosne studije	Bakalaureat/bachelor menadžmenta sigurnosti	4	Magistar sigurnosnih studija	1	Doktor sigurnosnih nauka/znanosti	3

Ministarstvo kulture i sporta Kantona Sarajevo

Na osnovu člana 10. alineja 3) i člana 50. Zakona o udruženjima i fondacijama ("Službene novine Federacije BiH", broj 45/02), člana 200. stav (3) Zakona o upravnom postupku FBiH ("Službene novine Federacije BiH", broj 45/02), člana 16. Zakona o ministarstvima i drugim organima uprave Kantona Sarajevo ("Službene novine Kantona Sarajevo", broj 40/22) i člana 57. Zakona o sportu ("Službene novine Kantona Sarajevo", br. 45/12 i 36/21), donosim

ODLUKU

O STAVLJANJU VAN SNAGE ODLUKE O DAVANJU ODOBRENJA UDRUŽENJU SPORTSKIH FUDBALSKIH RADNIKA ZA UNOŠENJE NAZIVA KANTONA SARAJEVO U NAZIV UDRUŽENJA

I

Odluka Ministarstva kulture i sporta Kantona Sarajevo o davanju odobrenja Udruženju sportskih fudbalskih radnika za

unošenje naziva Kantona Sarajevo u naziv Udruženja, broj 12-02-05-24783/11 od 05.12.2011. godine stavlja se van snage.

II

Udruženje sportskih fudbalskih radnika dužno je da sa ovom Odlukom uskladi Odluku o osnivanju Udruženja sportskih fudbalskih radnika, Statut Udruženja, naziv Udruženja i skraćeni naziv Udruženja, znak Udruženja, pečat i štambilj Udruženja, te podnese zahtjev za upis promjena koje se obavezno podnose u Registar udruženja koji se vodi kod Ministarstva pravde i uprave Kantona Sarajevo, sve u roku od 30 dana od prijema ove Odluke.

III

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 12-36-17223-1/24

19. juna 2024. godine

Sarajevo

Ministar

Kenan Magoda, s. r.

Na osnovu člana 10. alineja 3) i člana 50. Zakona o udruženjima i fondacijama ("Službene novine Federacije BiH", broj 45/02), člana 200. stav (3) Zakona o upravnom postupku FBiH ("Službene novine Federacije BiH", broj 45/02), člana 16. Zakona o ministarstvima i drugim organima uprave Kantona Sarajevo ("Službene novine Kantona Sarajevo", broj 40/22) i člana 57. Zakona o sportu ("Službene novine Kantona Sarajevo", br. 45/12 i 36/21), donosim

ODLUKU

O STAVLJANJU VAN SNAGE ODLUKE O DAVANJU ODOBRENJA UDRUŽENJU FUDBALSKIH DELEGATA ZA UNOŠENJE NAZIVA KANTONA SARAJEVO U NAZIV UDRUŽENJA

I

Odluka Ministarstva kulture i sporta Kantona Sarajevo o davanju odobrenja Udruženju fudbalskih delegata za unošenje naziva Kantona Sarajevo u naziv Udruženja, broj 12-04-2457/22 od 08.03.2022. godine stavlja se van snage.

II

Udruženje fudbalskih delegata dužno je da sa ovom Odlukom uskladi Odluku o osnivanju Udruženja fudbalskih delegata, Statut Udruženja, naziv Udruženja i skraćeni naziv Udruženja, znak Udruženja, pečat i štambilj Udruženja, te podnese zahtjev za upis promjena koje se obavezno podnose u Registar udruženja koji se vodi kod Ministarstva pravde i uprave Kantona Sarajevo, sve u roku od 30 dana od prijema ove Odluke.

III

Ova odluka stupa na snagu danom donošenja, a objavit će se u "Službenim novinama Kantona Sarajevo".

Broj 12-36-17223-2/24

24. juna 2024. godine

Sarajevo

Ministar

Kenan Magoda, s. r.

GRAD SARAJEVO

Gradsko vijeće

Na osnovu člana 31. stav (1) tačka b) Statuta Grada Sarajeva ("Službene novine Kantona Sarajevo", broj 7/23) i člana 9. stav (5) Odluke za nagrađivanje učenika srednjih škola koji su postigli zapažene rezultate na zvaničnim takmičenjima iz nastavnih predmeta/oblasti u prethodnoj 2023./2024. školskoj godini iz Budžeta Grada Sarajeva za 2024. godinu ("Službene novine Kantona Sarajevo", broj 5/24), Gradsko vijeće Grada Sarajeva na 41. sjednici održanoj dana 19.06.2024. godine, donijelo je

**ODLUKU
O IZBORU ČLANOVA KOMISIJE, PREDSTAVNIKA
GRADSKOG VIJEĆA GRADA SARAJEVA, ZA
RAZMATRANJE, OBRADU I ANALIZU PRISTIGLIH
PRIJAVA NA JAVNI POZIV ZA NAGRAĐIVANJE
UČENIKA SREDNJIH ŠKOLA KOJI SU POSTIGLI
ZAPAŽENE REZULTATE NA ZVANIČNIM
TAKMIČENJIMA IZ ODREĐENIH NASTAVNIH
PREDMETA U PRETHODNOJ 2023./2024. ŠKOLSKOJ
GODINI IZ BUDŽETA GRADA SARAJEVA ZA 2024.
GODINU**

Član 1.

- (1) Ovom odlukom biraju se članovi Komisije, predstavnici Gradskog vijeća Grada Sarajeva, za razmatranje, obradu i analizu pristiglih prijava na javni poziv za nagrađivanje učenika srednjih škola koji su postigli zapažene rezultate na zvaničnim takmičenjima iz određenih nastavnih predmeta u prethodnoj 2023./2024. školskoj godini iz Budžeta Grada Sarajeva za 2024. godinu, i to:
- Jasmin Ademović
 - Mirela Džehverović
 - Srđan Simonović
 - Seid Škaljić
- (2) Predstavnici Gradskog vijeća iz stava 1. ovog člana činit će zajedničku Komisiju Gradskog vijeća Grada Sarajeva i Gradske uprave Grada Sarajeva za razmatranje, obradu i analizu pristiglih prijava na javni poziv za nagrađivanje učenika srednjih škola koji su postigli zapažene rezultate na zvaničnim takmičenjima iz određenih nastavnih predmeta u prethodnoj 2023./2024. školskoj godini iz Budžeta Grada Sarajeva za 2024. godinu, koju rješenjem imenuje gradonačelnica.

Član 2.

Ova odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-GV-02-831/24
19. juna 2024. godine
Sarajevo

Predsjedavajući
Gradskog vijeća
Jasmin Ademović, s. r.

Na osnovu člana 31. stav (1) tačka b) Statuta Grada Sarajeva ("Službene novine Kantona Sarajevo", broj 7/23), te člana 2. stav (4), a u vezi sa članom 4. stav (3) Odluke o uslovima i postupku prihvatanja pokroviteljstva Grada Sarajeva ("Službene novine Kantona Sarajevo", broj 5/06), Gradsko vijeće Grada Sarajeva na 41. sjednici održanoj dana 19.06.2024. godine, donijelo je

**ODLUKU
O PRIHVATANJU POKROVITELJSTVA 2. FESTIVAL
SVJETLA SARAJEVO**

Član 1.

Ovom odlukom Gradsko vijeće Grada Sarajeva prihvata Pokroviteljstvo za finansijsku podršku realizaciji projekta 2. Festival svjetla Sarajevo, koji će se održati u Zemaljskom muzeju BiH u periodu od 25. novembra 2024. do 01. marta 2025. godine.

Član 2.

Finansijska sredstva za pokroviteljstvo iz člana 1. ove odluke odobravaju se Fondaciji "Sarajevo Navigator" u ukupnom iznosu od 50.000,00 KM (slovima: pedesethiljada i 00/100 KM).

Član 3.

Sredstva iz člana 2. ove odluke odobravaju se iz Budžeta Grada Sarajeva za 2024. godinu ("Službene novine Kantona Sarajevo", br. 55/23 i 13/24), sa pozicije: 614300: Tekući

transferi neprofitnim organizacijama: Primjena Odluke o uslovima i postupku prihvatanja pokroviteljstva Grada Sarajeva.

Član 4.

Gradonačelnica Grada Sarajeva će sa organizatorom manifestacije iz člana 2. ove odluke zaključiti poseban Ugovor kojim će se regulirati međusobna prava i obaveze.

Član 5.

Za realizaciju ove odluke zadužuje se gradonačelnica Grada Sarajeva putem Stručne službe za poslove kabineta i poslove Gradske uprave i Gradske službe finansija.

Član 6.

Odluka stupa na snagu narednog dana od dana objavljivanja u "Službenim novinama Kantona Sarajevo".

Broj 01-GV-02-832/24
19. juna 2024. godine
Sarajevo

Predsjedavajući
Gradskog vijeća
Jasmin Ademović, s. r.

Na osnovu člana 31. stav (1) tačka b) i člana 90. stav (1) Statuta Grada Sarajeva ("Službene novine Kantona Sarajevo", broj 7/23), a u vezi s članom 140. Poslovnika Gradskog vijeća Grada Sarajeva ("Službene novine Kantona Sarajevo", br. 28/09, 11/20 i 19/20), Gradsko vijeće Grada Sarajeva, na 41. sjednici održanoj dana 19.06.2024. godine, donijelo je

ODLUKU

**O DAVANJU SAGLASNOSTI GRADONAČELNICI
GRADA SARAJEVA ZA POTPISIVANJE
MEMORANDUMA O PRIJATELJSTVU IZMEĐU
GRADA SARAJEVA, BOSNA I HERCEGOVINA I
OPŠTINE KOTOR, CRNA GORA**

Član 1.

Ovom odlukom uspostavlja se saradnja između Grada Sarajeva, Bosna i Hercegovina, i Opštine Kotor, Crna Gora.

Član 2.

Saradnja iz člana 1. Odluke uspostavlja se potpisivanjem Memoranduma o prijateljstvu između Grada Sarajeva, Bosna i Hercegovina i Opštine Kotor, Crna Gora, čiji je tekst sastavni dio Odluke.

Član 3.

Gradonačelnica Grada Sarajeva ovlaštena je da u ime Grada Sarajeva potpiše Memorandum po stupanju na snagu ove odluke.

Član 4.

Ova odluka stupa na snagu danom donošenja i bit će objavljena u "Službenim novinama Kantona Sarajevo".

Broj 01-GV-02-833/24
19. juna 2024. godine
Sarajevo

Predsjedavajući
Gradskog vijeća
Jasmin Ademović, s. r.

**MEMORANDUM O PRIJATELJSTVU
IZMEĐU GRADA SARAJEVA, BOSNA I
HERCEGOVINA I OPŠTINE KOTOR, CRNA GORA**

Grad Sarajevo, Bosna i Hercegovina, i Opština Kotor, Crna Gora, u daljnjem tekstu "strane",

Na osnovu osvjedočenog prijateljstva između Grada Sarajeva, Bosna i Hercegovina, i Opštine Kotor, Crna Gora, koji svoju blisku saradnju njeguju duži niz godina, te u želji da se ista dodatno unaprijedi, gradovi Sarajevo i Kotor izražavaju spremnost da postojeće veze ozvaniče potpisivanjem "Memoranduma o prijateljstvu".

Gradonačelnica Grada Sarajeva Benjamina Karić, i predsjednik Opštine Kotor Vladimir Jokić, zajednički su utvrdili sljedeće